

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Atugarissaarnermut ataatsimiititaliamut piginnaatitsissutinik agguataarinermut pingaarnertut pilersaarut

04. Suliassat naliginnaasut

Imm. 4.1 Opdatering af beskrivelse og husregler for mor-barn husene i Sisimiut

Imm. 4.2 Sisimiuni inuusuttunut marlunnut 18-23-nut ukiulinnut angerlarsimaffiup avataanut inissinneqarsimanerup kinguneranik suliniuteqareernermi malinnaanissamik najugaqatigiiffimmik pilersitsinissamut qinnuteqaat. Sisimiut.

Imm. 4.3 Utoqqaat angalasarnerinut piumasaqaatinik nutarterineq

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 2023 - 2024-mi meeqqat pillugit angalasartut Maniitsumi sulisimanerat pillugu paasissutissiisut.

Imm. 6.2 Qeqqata Kommuniani Ilaqutariinnut kiffartuussiviit ukiumut 2024-mut nalnaarusiaat

08. Tamalaat

Imm. 8.1 Tamalaat

Ataatsimiinneq aallartippoq nal. 13:31

Peqataasut:

Siumut

Hans Frederik Olsen, Sisimiut
Barnabas Larsen, Kangaamiut

Inuit Ataqaatigiit

Nivi Heilmann Efraimsen, Sisimiut

Naleraq

Steffen Johansen, Sisimiut

Demokraatit

Rachel Ingemann, Sisimiut

Nalunaaruteqaratik peqataanngitsut

Nalunaaruteqaqqaaratik peqataanngitsut.

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

Soqanngilaq.

03. Aningaasaqarnermut tunngasut

Imm. 3.1 Atugarissaarnermut ataatsimiititaliamut piginnaatitsissutinik agguataarinermut pingaarnertut pilersaarut

Journalnr. 01.00.02

Tunuliaqutaq

Ataatsimiititalianut tamanut pingaarnertut piginnaatitsissutinik agguataarisarnermut pilersaaruteqartoqassasoq kommunalbestyrelsi kissaateqarpoq.

Pingaarnertut piginnaatitsissutinik agguataarisarnermut pilersaarut malillugu imatut allaqqasoqarpoq:

Piginnaatitsinermik agguataarinissamut pilersaarummi tamanut atuuttussami takuneqarsinnaavoq aalajangiisinnaanermut piginnaatitsissutit Kommunalbestyrelsip ataatsimiititaliat allaffeqarfimmilu sulisut akornanni qanoq agguataarneqarsinnaanersut. Tamatuma saniatigut Qeqqata Kommuniani atsiorsinnaatitaasut piginnaatitsinermik agguataarinissamut pilersaarummi aalajangersaavigineqarput.

Maleruagassatigut tunngavissat

Kommunit aqunneqarat pillugu Inatsisartut inatsisaat nr. 29, 17. november 2017-imeersoq (aqutsinermut inatsit)

Pissutsit atuuttut

Kommuneqarfiup aqutsisoqarnermut inatsisaa tunngavigalugu kommunalbestyrelse oqartussani qullersaavoq taamalu kommunip suliaqarfignissaa tamakkerlugu akisussaasuunerulluni.

Taamaalilluni kommunalbestyrelse sulianni kommunimut tunngassuteqartuni tamani aalajangiisinnaasutut piginnaatitaavoq.

Ingerlatsinermik isumaginnissamut tunngatillugu kommunalbestyrelsip aqutsinermut ileqqoreqqusaa atorlugu aalajangiisinnaanermut oqartussaassuseqarneq ataatsimiititalianut atuuttunut agguataarsimavaa.

Taanna inissisimaneq qaqugukkulluunniit atorunnaarsinneqarsinnaavoq aamma piginnaatitsinermik agguataarineq inaarutaasumik piginnaatitsinertut paasineqassanngilaq.

Tamanna isumaqarpoq kommunalbestyrelsip ingerlatsineq ataatsimiititalianut ingerlateqqikkaa, immikkoortunit tulliuttunit sullinneqartunit:

- Aningaasaqarnermut immikkoortortaqarfik
- Ilinniartitaanermut immikkoortortaqarfik
- Atugarissaarnermut immikkoortortaqarfik
- Teknikkimut Avatangiisinullu immikkoortortaqarfik

Ataatsimiititaliat taamatullu immikkoortut ingerlanneqarnerat kommunit aqunneqarnerat pillugit ileqqoreqqusanit aalajangersorneqarpoq, tassani suliassat suut immikkoortunit/ataatsimiititalianit suliarineqassanersut nassuiarneqarlutik.

Tulliuttuni eqitsini takuneqarsinnaapput aalajangiussassat qaffasissutsimi sorlermi aalajangerneqassanersut, ilaatigut allaffissornermi, ataatsimiititaliani aamma kommunalbestyrelsimi aalajangiisnaassutsit sorliit pisinnaatitaaffigineqarnersut.

Pingaarnertut inatsisit allaffissornermilu tunngavisat atuupput:

- Kommunit aqunneqarnerat pillugu Inatsisartut Inatsisaat
- Qeqqata Kommuniani kommunit aqunneqarnerat pillugit ileqqoreqqusat
- Qeqqata Kommuniani ataatsimiititaliat ataavartut ataasiakkaat, siulersuisut il.il. suloriusaat

Kommunip iluani aaqquissuusaanermut agguataarinermi piginnaatitsinermik agguataarinissamut pilersaarut aalajangersaasuunngilaq. Taannalu illoqarfimmi pilersaarutit malittarisassallu nammineq iluminni oqartussaqafigineqarnissaannik aaqquisoqarsinnaalluni.

2. Atsiorsinnaatitaaneq

Isumaqatigiissuteqarnissamik imaluunniit atsioqatigiilluni isumaqatigiissuteqarnissamik aningaasatigut imaluunniit inatsisitigut pituttorsimasut pillugit aalajangiineq isumaqatigiissuteqarneq sioqqullugu aaqquissuusaanermi piginnaatitaasumit eqqortumit pissaq piginnaatitsinermik agguataarinissamut pilersaarut naapertorlugu.

Atsiortup akisussaaffigaa maleruagassat aalajangersakkallu atuuttut kiisalu ukiumi pineqartumi missingersuutit sinaakkutigineqartut iluani eqquutsitsinissaq, atsiortussaq peqannginnerani atuuffiit qaffakkiartorneri malillugit atsiortoqassaaq.

Borgmesteri & pisortat

Borgmesteri kommunaldirektørilu kommune sinnerlugu atsiorsinnaatitaapput. Borgmesteri kommunaldirektørilik, kommunaldirektøril tullianik imaluunniit Aningaasaqarnermut Ilinniartitaanermullu pisortanermik imaluunniit Atugarissaarnermut Pisortaanermik peqateqarluni isumaqatigiissutinik atsioqateqarluni isumaqatigiissutinik aalajangersimasunik atsiorsinnaatitaapput. Tassani pineqarpur:

- Isumaqatigiissutit atsioqatigiillunilu isumaqatigiissutit Aningaasaqarnermut Ataatsimiititamit aamma/imaluunniit Kommunalbestyrelsimit akuersissutaareersut.
- Isumaqatigiissutit atsioqatigiissutillu katillugit 2mio. kr. -t ataallugit nalillit. Nalinga ukiumut akissarsiat sivilissusissallu najoqqutaralugit naatsorsorneqassaaq.
- Isumaqatigiissutit atsioqatigiissutillu ukioq missingersuusiorfiusoq sinnerlugu aamma/imaluunniit ukioq ataaseq sinnerlugu atorunnaartussanngortussat imaluunniit sivilissunerusoq sinnerlugu atorunnaartussanngitsutut sivilissusillit.
- Attartortitsinissamut isumaqatigiissutit tamarmik

Taakkua saniatigut Kommunit aqunneqarnerat pillugu inatsisartut inatsisaanni nr. 29 17. rovenber 201 7-imeersumi §21 -mi allassimavoq:

“Kommunip illunik pisineranut tunisineranut, taarsigassarsineranut aammalu qularnaveequsiisutut imminut pisussanngortinneri pillugit pappiaqqat borgmesterimit imaluunniit borgmesterip tullianit aammalu inummit kommunalbestyrelsimit piginnaatinneqartumit atsiorneqartassapput.”

Aallaaviatigut Kommunalbestyrelse kommunaldirektørilut ingerlatsivinnilu pisortaanermut atsiorsinnaatitaanermik pisinnaatitsissuteqassaaq. Atsiorsinnaatitaanermut pisinnaatitsissut qinigaaffiup ingerlanerani allanngortinneqarsinnaavoq tamanna pillugu suliasamik saqqummiussissummik immikkut saqqummiussinikkut.

Allakkanik isumaqatigiissutinik atsioqatigiissutinillu qulaani annertussusilinnik atsiulinnginnermi pisortap akisussaasup qulakkeeqqaassavaa isumaqatigiissuteqarnissamik aalajangiinerup minnerpaamik ataatsimiititaliamut susassaqartumut saqqummiunnissaa Aningaasaqarnermut Ataatsimiititamut ilisimatitsissutitalerlugu.

Immikkoortortami pisortat/Fagchefit

Immikkoortortami pisortat/Fagchefit isumaqatigiissutinik atsioqatigiissutinilu atsiorsinnaatitaapput nammineq missingersuutimik iluanni aammalu ukiup ingerlasup missingersuusiorfiusup iluanni.

Ukiut arlerlugit isumaqatigiissutit atsioqatigiissutinilluunniit matumani attartortitsinissamut isumaqatigiissutit ilanngullugit atsiorneqarsinnaapput tassa politikkikkut akuersissutaareersimappata ataatsimiititaliap susassaqartup sulii akuersissuteqarneratigut Aningaasaqarnermut Ataatsimiititamut ilisimatitsissutitalerlugu.

Immikkoortortani aqutsisut/fagchef-it/stabschef

Immikkoortortani aqutsisut/fagchef-it/stabschef isumaqatigiissutinik atsiorsinnaatitaapput nammineq immikkoortortamik iluanni. imaluunniit suliffeqarfiup ukiumoortumik missingersuutaasa iluanni.

Isumaqatigiissutinut atsioqatigiissutinullu tamanut 100.000 kr-nik nalilinnut amerlanerusunulluunniit atsiorsinnaatitaaneq qaninnertut Immikkoortortami pisortaamut/fagchefimit/stabschefmit/stabschefmit akuersissutigineqassaaq.

Ukiut arlerlugit isumaqatigiissutit atsioqatigiissutinillu pisortatut akisussaasuusumit atsiorneqassapput imaluunniit suliaq qanoq ittuunera apeqqutaatillugu politikkikkut suliaassanngortinneqarlutik.

Piffissaq atuuffiusoq

Atsiorsinnaatitaanermut pinnaatitaaffiit pillugit malittarisassat akuerisat atuutissapput qinigaaffiup matuma sinneranut - aprili 2029-p tungaanut.

Allaffeqarfik suliamik saqqummiussisummik saqqummiussisinnaavoq atsiorsinnaatitaanermut pinnaatitaaffiit pillugit malittarisassanik nutartikkanik pisortaqaqatigiit imaluunniit politikkikkut kissaateqartoqarnera naapertorlugu pisariaqarsorineqarpat. Atsiorsinnaatitaanermut pinnaatitaaffiit minnerpaamik piffissat qinigaaffiusut tamaasa nutarterneqartariaqarput.

Tamatuma saniatigut pisortaqaqatigiit isumaqatigiissutinut atsioqatigiissutinullu aningaasartaritinneqartut killissaannik sukkulluunniit aalajangiisinnaatitaapput allakkami matumani aalajangersarneqartut saniatigut. Tamanna pisariaqalersinnaavoq missingersuutinik sippuisoqartillugu aningaasatigut kinguartoqartillugu assigisaanilluunniit pisoqartillugu.

Atugarissaarnermut ataatsimiititaliamut 23.11.2023-mi kommunalbestyrelsimi akuerineqartumik piginnaatitsissutinik agguataarinermut pilersaarummik allattorluagaasumik peqartoqareerpoq, taannalu inatsimmut nutaamut naapertuuttunngorlugu nutarsarneqassaaq.

Piginnaatitsinermut pilersaarut pillugu takussutissatut ilanngussami kikkut aalajangiinissamut piginaasuunersut aammalu kommunalbestyrelsimut ataatsimiititaliamullu innersuussisinnaatitaanersut pillugu takussutissiivoq, Atugarissaarnermut ataatsimiititaliamut piginnaatitsinermut pilersaarummut atuuttuusumut tulluarsagaasoq.

Allaffeqarfiup naliliinera

Allaffeqarfiup naliliinerivaa, kommunalbestyrelsimut, ataatsimiititalianut aamma allaffeqarfiup piginnaatitaanerinit ataatsimoortumik pingaarnertut piginnaatitsinermut pilersaarummik peqartuuguni pitsaassagaluartoq. Atugarissaarnermut ataatsimiititaliap piginnaatitsinermut pilersaarutaa pingaarneq kommunalbestyrelsimut nassiunneqassaaq tassani Qeqqata Kommunianut pingaarnertut piginnaatitsinermut pilersaarutinit ataatsimiititalianut allanut piginnaatitsinermut pilersaarutaannik allaffeqarfik katersisuussaaq.

Siuliani allassimasuusutut piginnaatitsinermi pilersaarummut pingaarnermut siunnersuummi allassimavoq "Isumaqatigiissutit aamma atsiorluni isumaqatigiissutit 100.000 koruuninik taakkuluunniit qaanngerlugit nalillit fagchefimit qaninnerpaamit akuersissutigineqartassapput". Piginnaatitsinermut pilersaarummi ilanngussami siunnersuut tassaavoq, aningaasat 75.000 koruunit sinnillit ataatsimiititaliamit akuersissutigineqartassasut. Tamanna ataatsimiititaliap isummerfigissavaa.

Innersuussut

Suliaq Atugarissaarnermut ataatsimiititaliamit akuereqqullugu saqqummiunneqarpoq:

1. Atugarissaarnermut ataatsimiititaliamut pingaarnertut piginnaatitsinermut pilersaarummut siunnersuut
2. aningaasat 100.000 koruunit sinneqartut Atugarissaarnermut ataatsimiititaliamit akuersissutigineqartassasut
3. Suliaq Aningaasaqarnermut ataatsimiititaliamut ingerlateqqinneqassasoq

Aalajangiineq

Akuersissutigineqarput suliarlu Aningaasaqarnermut ataatsimiititaliamut ingerlateqqinneqassaaq.

Ilanngussat

1. Atugarissaarnermut ataatsimiititaliamut piginnaatitsissutininik agguataarinermut pingaarnertut pilersaarut

04. Suliassat naloginnaasut

Imm. 4.1 Sisimiuni anaanaq meerarlumi illuni allaaserinninnerit malittarisassallu nutarterneqarnerat

Journalnr. 41.00

Tunuliaqutaq

Ilaqutariinnut Kiffartuussiviata ataanni ukiuni arlaqalersuni Sisimiuni anaanaq meerarlumi illunik pilersitsisoqarpoq, pilersitsinermi anaanaq kisermaat immikkut pisariaqartitsisut ikiorneqarnissamik tapersorsorneqarnissamillu pisariaqartitaannik kiisalu angajoqqaatut piginnaasaannik inerisaanissaq qulakkeerniarneqarpoq. Anaanaq kisimiittut anaanaq meerarlumi illuni ikiorneqarnissaq tapersorsorneqarnissarluni pisinnaasaat tassaavoq, Ilaqutariinnut kiffartuussivimmit tapertaasoq aammalu Ilaqutariinnut kiffartuussivimmut pingaarnertut anguniagaasunut ikiuunneq ugguunatigut:

- Siusissukkut iliuuseqarnikkut meeqqanik angerlarsimaffiup avataanut inissiinissat ikilisinneqarnissaat pinngitsoortinneqarnissaallu
- Meeqqamik angerlarsimaffiup avataanut inissinneqariaannaasunik ilaqutariit meerartallit nukittorsassallugit
- Angajoqqaanngorlaat navianartumiissinnaasut katsorsarneqarnissamik aamma pinaveersaataasunik suliniutaasinnaasut pillugit neqeroorfigineqarnissaat
- Meeqqanik perorsaaneq pillugu siunnersuineq ilitsersuinerlu
- Angajoqqaanngorlaat angajoqqaanngornermi akisussaafeqalertarneq pillugu ilisimasaqalersillugit
- Angajoqqaanngorlaanut inuttut ineriartornissamut ikiuunneq, makku ilanngullugit: anaanaq annertunerusumik imminut tatigilersitsiniarluni namminersorsinnaanngortitsinissaq aammalu imminermut meeqqamullu killiliisinnaanermik piginnaasaqalersitsinissaq.
- Ilaqutariit imminut pilersorsinnaanngornissaannut ikiorlugit

Maleruagassutut tunngavissaq

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq Meeqqanut Ilaqutariinnut Sullissiviit, Ilaqutariit Illui aamma Qimarnguut pillugit Namminersorlutik Oqartussat nalunaarutaat

- § 5. Meeqqanut Ilaqutariinnut Sullissiviit minnerpaamik tullinnguuttunik neqerooruteqassapput:
 - 3) Naartusunut atugarliortunut angajoqqaanullu marluk inorlugit ukiulinnik qitornalinnut siusissukkut iliuuseqarneq.

Pissutsit atuuttut

Anaanaq meerarlumi illuni allaaserinninnerit ersarissunik kiisalu illuni malittarisassat ersarissut amigaataasimapput. Taamaattumillu allaffeqarfiup, Ilaqutariinnut Kiffartuussivik aammalu ineqartunut maleruagassanik ersarissunik malitaqarnissaannut marluutillugit nutarterneqarnissaat pisariaqarsimalluni. Ilaqutariinnut Kiffartuussivik allaffeqarfimmit suleqatigineqarluni anaanaq meerarlumi illunut allaaserisaq nutarterneqarpoq, matumani illut suut siunertarineraat, suliniarfigineqartut aammalu illunut innersuunneqarnissamut piumasaqaatit kiisalu illup iluani malittarisassat.

Atuilluartuunissakkut kingunerisinnaasai

Meeqqanik angerlarsimaffiup avataanut inissiinissanut anaanaq meerarlu illunit pinaveersaartitseqataapput, tamannalu inuiaqatigiinnut atuilluartuunerusumik tunniussaqaqataalluni.

Aningaasaqarnikkut allaffissornikkullu kingunerisinnaasai

Suliamut atatillugu allaffissornikkut aningaasaqarnikkullu kingunissaqanngilaq.

Allaffeqarfiup naliinnera

Allaffeqarfik naliliivoq, anaanaq meerarlu illut allaaserineqarnerinik kiisalu illup iluani malittarisassanik nutarterinikkut neqeroorut naapertuuttumik atorneqarnissaanik qulakkeerinnissasoq.

Innersuussut

Allaffeqarfimmit innersuussutigineqarpoq, anaanaq meerarlu illunit pillugit allaaserinninnerit kiisalu taakkununga illup iluani malittarisassanik nutarsaasimaneq Atugarissaarnermut ataatsimiititaliamit akuersissutigineqassasut.

Aalajangiineq

Akuersissutigineqarput.

Ilanngussaq

1. Anaanaq meerarlu illut pillugit allaaserinninneq
2. Anaanaq meerarlu illup iluani malittarisassat

Imm. 4.2 Sisimiuni inuusuttunut marlunnut 18-23-nut ukiulinnut angerlarsimaffiup avataanut inissinneqarsimanerup kinguneranik suliniuteqareermermi malinnaanissamik najugaqatigiiffimmik pilersitsinissamut qinnuteqaat. Sisimiut.

Journalnr. 42.06

Tunuliaqutaq

Sisimiuni Atugarissaarnermut Immikkoortortaqarfik 18-it ukiullit ataallugit angerlarsimaffiup avataanut inissinneqartunik ulloq unnuarlu paaqqinnittarfiit namminersortunit pigineqartut imaluunniit namminersortut assigiinngitsunik suliaqarput. Inuusuttuaqqat toqqissisimasumik isumannaatsumillu inersimasutut inuunermut ikaarsaarnissamut tapersorsorneqarnissamik suliniuteqarnerup malinnaavigineqarneranut pisariaqartitsipput. Taamaattumik massakkut inuusuttut 18-ileereerput suliniuteqarnerup malinnaaviginnittoqarnissaanut kommuni neqerooruteqanngilaq, taamaattumik ulloq unnuarlu paaqqinnittarfimmu inissinneqarput. Allaffeqarfiup kommunimi najugaqarfimmi pilersitsisoqarnissaa kissaatigivaa inuusuttunut 18-ileereersunut. Tamanna ilaatigut inuusuttunik angerlarsimaffiup avataanut inissiisarnermut atatillugu kommunip aningaasartuutaanik annikillisarmissaat kiisalu inuusuttunik 18-ileereersunik inissiisarnermi sullissisarnermut atatillugu suleqatigiinnerup nukittorsarneqarnissaa anguniarlugu. Maniitsumi najugaqarfeqareerpoq inuusuttunut suliniuteqarnikkut malinnaavigineqartunut. Maniitsumi najugaqarfik Ilaqutariinnut Kiffartuussivimmit sullinneqarput. Sisimiuni assinganik najugaqarfimmik pilersitsisoqarsinnaavoq Ilaqutariinnut Kiffartuussiviup ataaniilluni.

Maleruagassatigut tunngavissaq

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq § 5. Kommunalbestyrelsen aalajangiiffigisinnaavai:

2) inuusuttunut suliniuteqareermermi malitseqartitsinissaq

§ 42 Kommunalbestyrelsen inuusuttut 18-iniit 23-t ilanngullugit ukiullit 18-iniliinerminni kapitalini 7-9-ni allassimasut malillugit ikiorsiinissamik suliniuteqarfigineqartut suliniuteqareermermi malitseqartitsilluni suliniuteqarnissamik neqeroorfigineqassanersut aalajangiiffigissavai.

Imm. 2 Kommunalbestyrelsen suliniuteqareermermi malitseqartitsilluni suliniuteqarnissamik inuusuttup ingerlalluarnernanut, peqqissusaanut ineriartorneranullu annertuumik pingaaruteqartutut isigineqarpat neqerooruteqassaaq.

Imm. 5 Inuusuttoq angerlarsimaffiup avataanut inissinneqarsimappat §§-it 27 imaluunniit 28 malillugit suliniuteqareermermi malitseqartitsineq aamma tassaasinnaavoq maannakkut inissinneqarfigisami allamiluunniit naleqqunnerusumi ulloq unnuarlu najugaqartinneqartoq.

Pissutsit atuuttut

Sisimiuni meeqqat inuusuttullu amerlasuut angerlarsimaffiup avataanut inissinneqarnikut ulloq unnuarlu paaqqinnittarfinni namminersortuni imaluunniit namminersorlutik oqartussanik pigineqartuni. Meeqqat inuusuttullu immikkut ikiorneqarnissamik tapersorsorneqarnissamillu ulluinnarni pisariaqartitsipput, angerlarsimaffimmi tunniunneqarsinnaanngimmat. Inuusuttut 18-ileereersimasut inersimasunngulernermi ikaarsarneq tapersorsorneqarnissamik pisariaqartitsisarput.

Inuusuttunut 18-23-nut ukiulinnut Kommunimi najugaqarfiit pilersinnerani qulakkeerneqarsinnaavoq suliniuteqarnerup malinnaavigineqarnissaaat, inuusuttut Sisimiut illoqarfinnut allanut nassiunneqaratik tassani Sisimiuni ilaquuttatik avatangiisitillu qimattariaqanngilaat.

Atuilluartuunissakkut kingunerisinnaasai

Inuusuttuaqqanut marlunnut 18-23-nut ukiulinnut kommunip najugaqarfiannut pilersitsineq aningaasaqarnikkut pitsaaqutaanik takutinneqartut saniatigut najugaqatigiiffimmi inuusuttut najugaqartussat inuunerisa pitsaassusaasa nammineersinnaassusaasalu qaffannissaanut peqataassaaq. Inuusuttut taakku Sisimiuni ilaqutaat avatangiisaallu ungasinngisaani najugaqartussaammata inuunerup qanoq issusianik qaffassarneqarlutik kiisalu annertunerusumik tapersersuinissartalinnik inersimasunngorniarnermut ikaarsaarnermut.

Aningaasaqarnikkut allaffissornikkullu kingunerisinnaasai

Ulloq unnuarlu angerlarsimaffinnut inissiisarnernut atatillugu kommuni aningaasartuuteqangaatsiarpoq. Meeqqat inuusuttullu namminersortunut aamma namminersorlutik oqartussanit pigineqartunut ulloq unnuarlu paaqqinniffinnut inissinneqarsimasunut ullormut akigititat 2024-mi 4224 koruuniupput. Ukiumut agguaqatigiissillugit aningaasartuutit meeqqamut ataatsimut 1.541.760 koruuniupput.

Meeqqat inuusuttullu angerlarsimaffiup avataanut inissinneqarnikut ataani eqitsit 1 aningaasartuutit katillugit takuuk:

Eqitsit 1

Formål	Budget 2024	Forbrug 2024	Budget 2025
Velfærdsudvalg Total	34.190.000,00 kr.	35.170.506,26 kr.	34.190.000,00 kr.
0501015150: Børn med særlige behov - Selvstyrets Døgninstitutioner	7.644.931,00 kr.	7.151.242,00 kr.	7.645.000,00 kr.
0501015170: Børn med særlige behov - Private Døgninstitutioner	26.545.069,00 kr.	28.019.264,26 kr.	26.545.000,00 kr.
Total	34.190.000,00 kr.	35.170.506,26 kr.	34.190.000,00 kr.

Kommuni nammineq inissiaateqanngilaq najugaqarfittut atorsinnaasumik INI A/S aqqutigalugu ini sisamanik ineeralik attartorneqarsinnaavoq inuusuttunut marlunnut naleqquttoq.

Inuusuttunut marlunnut 18-23 miss. ukiulinnut najugaqarfimmik pilersitsiniaraanni tallimanik sulisoqassaaq. Najugaqatigiiffimmik pilersitsinermik ingerlatsinermullu atatillugu aningaasartuutissatut naatsersuutaasut ataani missingersuutitut siunnersuummik aallaaveqarput. Missingersuutitut siunnersuut Maniitsumi inuusuttunut najugaqatigiiffimmut missingersuutini kiisalu najugaqatigiiffimmi atorfinittussatut naatsorsuutaasutut suliaqarfinnut isumaqatigiissutini aallaaveqarput.

Eqitsit 2

Missingersuutitut missilliuutissat	
Ataasiartumik aningaasartuuteqarfiusut	124.000 kr.
Ingerlatsinermi aningaasartuutit	1.682.000 koruunit
Katillugiit	1.806.000 koruunit

Atugarissaarnermut Ataatsimiititaliap junip 10-ani 2025-imi ileqquusumik ataatsimiinnera
02/2025 – Imaqarniliaq

Eqitsit 3

Missingersersuutitut allannngortinnissaanut siunnersuutit

Immikkoortortaq	Atuiffik	Atuiffimmi allassimanissaa	Aningaa-saliissutit	Ilassut	Nutaamik aningaa-saliineq
551020100: SIS Meeqqanut Ilaqutariinnullu immikkoortortaqarfik	0501015170	Meeqqat immikkut pisariaqartitsisut – Ulloq unnuarlu paaqqinnittarfiit namminersortut	26.545.000	-1.806.000	24.739.000
551020203: Inuusuttunut angerlartikkiartuaarneqar-tussanut inissiaq	0501015180	Pinaveersaarti-tsinermi isumaginninnermi suliniutit	0	+1.806.000	1.806.000
		Aningaasaliissutissatut pisariaqartitat katinneri	26.545.000	0	26.545.000

Eqitsit 4.

Atuiffinni assigiinngitsuni agguataagassatut missingersuutitut siunnersuut

Najugaqarfimmut missingersuutitut siunnersuutit				
551020203	Inuusuttunut angerlartikkiartuaarneqartussanut inissiaq	Ataasiartumik aningaasartuutit koruunit.	Qaammammut koruunit	Ukiumut koruunit
122010200	Akunermusiat		121.250	1.455.000
122060100	Pikkorissaanerit sulisunut			75.000
122170100	Atortulersuutit, atortut pequtillu	100.000		20.000
122070600	Nerisaqartitsineq		6.000	72.000
122180200	Imeq		500	6.000
122180100	Innaallagiaq		1.500	18.000
122180300	Kiassarneq		1.000	12.000
122100200	Attartornermi aningaasartuutit, qaammatit aqqaneq marluk sinnerlugit attartornermi isumaqatigiissutaagallartut.	24.000	8.000	96.000
121020101	Najugallit ineqarnermut namminneq akiliisanerat		-4.000	-48.000
121010101	Najugallit nerisaqarnerminnut namminneq akiliisarnerat		-2.000	-24.000
	Katillugiit	124.000	132.250	1.682.000
	Aningaasartuutissat katillugit:			1.806.000

Allaffeqarfiup naliinnera

Atugarissaarnermut Immikkoortortaqarfiup nalilerpaa Sisimiuni inuusuttunut najugaqatigiiffimmik pilersitsineq sullissinermik nukittorsaataassasoq, ulloq unnuarlu paaqqinnittarfinni namminersortuni inissinneqarsimasunut aningaasartuutit appassasut, kommunimi suliffinni tallimanik pilersitsissasoq

pingaarnertullu: inuusuttut inissinneqarsimasut ilaquttaminnut avatangiisiminullu qaninnerulernissaat taamaaliornikkullu inissinneqarsimasut inuunerisa pitsaassusaannik qaffassaataalluni aammalu nammineq inuuneqalernissaminnut aqqutissanik oqilisaataassalluni.

Innersuussut

Allaffeqarfiup Atugarissaarnermut ataatsimiititaliamut akuereqqullugu innersuussutigissavaa

1. Sisimiuni inuusuttunut marlunnut 18-23 ukiulinnut angerlarsimaffiup avataanut inissinneqarsimanerup kinguneranik suliniuteqareernermi malinnaanissamik najugaqatigiiffimmik pilersitsinissaq.
2. Eqitsit 3 naapertorlugu missingersuutitigut nuutsinissaq pillugu innersuussut
3. Eqitsit 4 naapertorlugu missingersuutitigut siunnersuut 1.806.000 koruuninik innersuussut.
4. Suliaq Aningaasaqarnermut Ataatsimiititaliamut akuersissutigineqarnissaanut nassiunneqassasoq aammalu Kommunalbestyrelsemut paasissutissiissutigineqassasoq.

Aalajangiineq

Akuersissutigineqarput suliarlu Aningaasaqarnermut Ataatsimiititaliamut akuersissutigineqarnissaanut nassiunneqassaaq aammalu Kommunalbestyrelsemut paasissutissiissutigineqassaaq.

Ilanngussaq

1. 0501015150 aningaasatigut atuinnissamut naatsorsuutit: Meeqqat immikkut pisariaqartitsisut – Ulloq unnuarlu paaqqinnittarfik Namminersorlutik Oqartussanit pigineqartoq aamma 0501015170: Meeqqat immikkut pisariaqartitsisut – Ulloq unnuarlu paaqqinnittarfiit namminersortut
2. 2016-imi juunip 14-iani Aningaasaqarnermut ataatsimiititaliap ileqquusumik ataatsimiinneranit 05/2016, imaqarniliaq

Imm. 4.3 Utoqqaat angalasarnerinut piumasaqaatinik nutarterineq

Journalnr. 43.01.10

Tunuliaqutaq

Sisimiuni Maniitsumilu utoqqarnut ukiumoortumik utoqqaat angalasarnerat ukiuni arlalinngortuni aaqqissuunneqartarsimavoq. 2025-2029-mut suleqatigiinnissamut isumaqatigiissutip nutaap atuutilersinneqarnerani utoqqaat angalasarnerata ingerlanneqaannarnissaat aalajangiunneqarpoq. Ukiumut utoqqaat angalasarnerinut utoqqaat akornanni annertuumik soqutigineqarpoq. Tamanna nuannaarutissaavoq, taamaattorli angalanissanut qinnuteqartunut tamanut inissaqartitsisoqarneq ajorpoq. Tamanna tunngavigalugu utoqqaat angalasarnerinut peqataanissamut piumasaqaatinik allannguutissatut Atugarissaarnermut immikkoortortamit siunnersuusiortoqarpoq.

Maleruagassutut tunngavissaq

Ilaqutariinnermut Isumaginninnermullu Ataatsimiititaliap aprilip 17.-anni 2019-imi ileqquusumik ataatsimiinneranni aalajangiqaq.

2025-imut missingersuutitut kiisalu ukiumut missiliuuteqarfiusunut tunngatillugu

Kommunalbestyrelsip aalajangiinera.

Pissutsit atuuttut

2025-mut utoqqaat angalasarnerinut illoqarfinnut marluusunut tamanut immikkut 194.000 koruuninik missingersuusiortoqarpoq.

Ukioq manna 2025-mut utoqqaat angalanissaannut Sisimiunit qinnuteqaatit 29-t, taakkunannga sisamat Itillimeersusut allaffeqarfimmit tiguneqarput. 2024-mi Sisimiunit utoqqaat angalanerinit utoqqaat 14-it peqataapput, taamaattumik qinnuteqartunit toqqaaniarnermut ersarissunik piumasaqaateqarnissaq pisariaqarpoq. Qinnuteqartunik toqqaariaatsit maannamut malittarisassat assigiissaartuunngillat.

Siusinnerusukkut qinnuteqartut amerlatillugit makitsisoqartarnikuuvoq. Siullermeertumik qinnuteqartut salliunneqariarlutik, inissanut qinnuteqartut siusinnerusukkut peqataasareersut akornanni makitsisoqartarpoq. Tamannali maannakkut utoqqaat angalasarnerinut piumasaqaatini takuneqarsinnaanngilaq.

Aallannginnermi angalanissamut akiliutissaq akilerneqareersimassasoq kiisalu utoqqaat peqataasussat pisortanut akiitsoqassanngitsut maannakkut piumasaqaatini takuneqarsinnaanngilaq. Tamanna utoqqarnut kommunimullu naapertuutinngitsumik inissitsitsisinnaavoq.

Ilutigitillugulu utoqqaat angalasarnerinut utoqqaat aningaasaqarnermut pisariaqartitsinerusunut sammitinneqarnissaanik qulakkeerinnittumik piumasaqaatitaqanngilaq. Isertitatigut piumasaqaateqarnermik ilanngussinertigut innuttaasut aningaasaqarnikkut pissakinnerusut neqeroorummut periarfissaqarluarnerunissaannik aammalu angalanermi inooqatanikkut oqimaaqatigiisitsinissaq qulakkeerneqassallutik. Tamanna pisortat aningaasaataannik akisussaasumik naapertuilluartumillu atuinissamik kommunip pingaarnertut anguniagaanut tapertaassaaq.

Maannakkut angalanissamut peqataasartut akileeqataassutissaat killiligaanngilaq. Angalanissamut nammineq akiliutissanik killiliisoqassappat, tamanna utoqqaat ukiumut angalasarnerinut peqataasussat amerlassusissaannut sunniuteqassaaq. Sisimiuni 2024-mi utoqqaat angalanerinit peqataasumut ataatsimut nammineq akiliutaasoq 7250 koruuni tunngavigineqarpoq.

Siuliani taakkartorneqartut tunngavigalugit Atugarissaarnermut Immikkoortortaq utoqqaat angalasarnerinut piumasaqaatissatut siunnersuuteqarpoq.

Atuilluartaunissakkut kingunerisinnaasai

Allaffeqarfik naliliivoq, piumasaqaatini allannguutissatut siunnersuutigineqartut utoqqarnut nunanut allanut angalasinnaalernissamut annertunerusumik tapiiffigineqarnissamik pisariaqartitsisunut neqeroorut iluaqutaanerulissasoq. Ilutigitillugu angalanermut peqataasimanerup kinguneranik utoqqaat pisortanut akiitsoqalinnginnissaannik qulakkeerinnittoqassaaq.

Aningaasaqarnikkut allaffissornikkullu kingunerisinnaasai

Piumasaqaatinik allannguneq allaffissornikkut annertunerusumik kinguneqassanngilaq. Illuatungaatigulli qinnuteqartunut ataasiakkaanut sullissineq annikinnerusumik sivitsuallassinnaavoq. Utoqqaat angalaneranut peqataanerup kinguneranik innuttaasut kommunimut akiitsoqalinnginnissaat, kommunip innuttaasullu ataasiakkaat aningaasaqarnerinut pitsaasumik kinguneqassalluni.

Allaffeqarfiup naliinnera

Atugarissaarnermut immikkoortortaq naliliivoq, utoqqarnut annertunerusumik aningaasaqarnikkut pisariaqartitsinerusunut neqeroorutip piumasaqaatini allannguutit sammitinneqalernerinik kiisalu angalanermi utoqqaat akornanni inooqataanikkut oqimaqatigiissitsinermik qulakkeerinnissasoq. Maannakkut piumasaqaataasunut allannguutissatut ilassutissatullu siunnersuutit tulluuttutigit **ersarissumik** nalunaaqutserneqarput:

- Europami angalanermi nuna aalajangersimasooq, isumaqatigiissutigineqarluni toqqarneqartoq anguniagaavoq.
- Angalanissaq upernaakkut/ukiakkut aaqqissuunneqartarpoq.
- Utoqqaat nammineersinnaassapput paaqqutarineqarnissamillu pisariaqartitsisuunatik, innuttaasulli peqataanissamik kissateqartut pitsorluttuuppata imaluunniit kaasartuakkanik atuisuuppata, innuttaasunut tapersersorteqartitsisoqassaaq. **Tapersersortinut angalanermut aningaasartuutit angalanissamut missingersuutitigut akilernerqassapput.**
- Angalalinnginnermi utoqqaat nakorsaattugarisimasinnaasaat paasereerneqassapput
- Utoqqaat aningaasaqarnerat aallannginnermi isumageriissapput. **Tassunga ilanngullugit:**
 - **Aallalernermi angalanissaq akilersimaneqassaaq.**
 - **Angalanermut akiliutissat naafferartumik akilersorneqarnissaannik neqeroortoqarsinnaanngilaq.**
 - **Peqataasussat pisortanut akiitsoqassanngillat.**
- Angalanissaq ullunik 14-inik sivissussuseqassaaq.
- Utoqqalinersiallit utoqqalinersiaqalernermi ukioritinneqartut qaangerlugit ukiullit taamaallaat peqataasinnaapput.
- Atugarissaarnermut immikkoortortamit toqqarneqarsimasunik minnerpaamik marlunnik angallassisoqassaaq.
- **Angallassisussanut aningaasartuutit Atugarissaarnermut Immikkoortortamit akilernerqassapput.**
- Aallannginnermi angalanissaq tamaaviat pilersaarusiorneqariissaaq.
- Angallassisussat isumaqatigiissutit naapertorlugit aningaasarsiaqartinneqassapput.
- **Kommunalbestyrelsip aningaasat atoriaannartut aalajangersagaannik annertunerusumik utoqqaat qaammammut atoriaannaateqanngitsut salliunneqassapput.**

- **Qinnuteqartut arlallit siulianiittunik naammassinnittuuppata, taava qinnuteqartut siusinnerusukkut peqataanikuunatik siullermeerlutik qinnuteqartut salliutinneqassapput.**
- **Tamatuma kingorna qinnuteqartut sinnerini isertitaqarnissamut piumasaqaatinik naammassinnissimasut akornanni makitsisoqassaaq.**
- **Angalanissami sulii inissaqassappat qinnuteqartut atoriaannagassatut aalajangersakkanit annertunerusumik ukiumut isertitaqartut akornanni makitsisoqassaaq.**

Innersuussut

Atugarissaarnermut immikkoortortaqaarfiup Atugarissaarnermut ataatsimiititaliamut innersuussutigaa:

1. Utoqqaat angalasarnerinut piumasaqaatinut siuliani ilanngussat akuersissutigineqassasut.
2. Angalanermut peqataasussanut nammineq akiliutissatut killiliisoqassanersoq taamaattoqassappallu nammineq akiliuteqarnissamut aalajangiisoqassasoq.

Aalajangiineq

Akuersissutigineqarput.

Ilanngussaq

1. Ilaqutariinnut Isumaginninnermullu pissutsinut ataatsimiititaliap nalinginnaasumik 17. april 2019-imi ataatsimiinnermi utoqqaat angalasarnerannut piumasaqaatit pillugit aalajangerneqartut.
2. Qeqqata Kommuniani utoqqaat angalasarnerinut piumasaqaatit nutarsakkat DK + KAL

05. Sulisoqarnermut tunngasut

Soqanngilaq.

06. Paasissutissiisutit

Imm. 6.1 2023 - 2024-mi meeqqat pillugit angalasartut Maniitsumi sulisimanerat pillugu paasissutissiisut.

Journalnr. 42.00

Tunuliaqutaq

Kalaallit Nunaanni meeqqanut inuusuttunullu atugarliortunut suliniuteqarnerup nukittorsarnissaanut kalaallit-qallunaallu akimortumik suliniuteqarneranut Meeqqat pillugit angalasartut ilagivaat, tassani suliniutini meeqqat pillugit angalasartut suliniut nr. 10-ulluni, qulequtaalluni meeqqat pillugit angalasartut, meeqqat inuusuttullu kinguaassiutitigut innarligaasimasunik katsorsaanissamut neqeroorutaasunik nukittorsaausaaq. Meeqqanut inuusuttullu 18-it ataallugit ukiullit kinguaassiutitigut innarlerneqarsimasunik imaluunniit taamaattoqarsimaneranik pasitsaaffigineqarsimasunik kiisalu meeqqat inuusuttullu 18-it ataallugit ukiullit meeqqanut inuusuttunullu allanut kinguaassiutitigut ernumanartumik imaluunniit kanngunarsaasumik pissusilersortunik qulaajaanissamut katsorsaanissamullu Meeqqat pillugu angalasartut siunertaraat.

Piffissami 23. September 2023 – 04. Marts 2024 Meeqqat pillugit angalasartut Maniitsumiipput. Meeqqat pillugit angalasartut Nuummi Isumaginninnermut aqutsisoqarfiup ataani atorfeqartunik tarnip pissusiinik ilisimasalinnik marlunnik inuttaqarput

Maleruagassatigut tunngavissaq

Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq nunatsinni kommunini tallimaasuni tamani, Kalaallit Nunaanni aammalu Danmarkimi Isumaginninnermut Aqutsisoqarfinni, Styrelsen for Undervisning og Kvalitet i Danmark (Danmarkimi Atuartitsinnermut Pitsaassutsimullu Aqutsisoqarfik) , Social- og Ældreministeriet (Isumaginninnermut Utoqqarnullu ministeriaqarfik), Justitsministeriet (Inatsisinik atuutitsinnermut ministereqarfik) aamma Meeqqanut, Inuusuttunut Ilaqutariinnullu Naalakkersuisoqarfimmit qitiutinneqarpoq.

Pissutsit atuuttut

Meeqqat pillugit angalasartut piareersarnerat katsorsaanerallu tuliuttutigut aggulugaasumik ingerlanneqarnera allaaserineqarpoq:

1. **Alapernaarsuilluni angalaneq:** MKA suleqatigisassatik aammali illoqarfimmi nunaqarfinnilu meeqqanik inuusuttuaqqanillu sullissisartut ataatsimeeqatigiartorlugit ulluni 24.september -01. oktober 2023-mi Maniitsumiipput nunaqarfinnilu. Naapinneqartut tassaapput Inunnik isumaginnittoqarfik (meeqqanut inuusuttuaqqanullu immikkoortortaarfik), Ilaqutariinnut Inerisaavik, Qeqqani MISI, Minikollegiet, Angerlarsimaffik Pakkutaq, Angerlarsimaffik Qaamasoq, Napparsimaveqarfik, Haalimi aqutsisoq, Meeqquveqarfinni sulisut, Paaqqinnittarfiit, Politi, kigutileriffik, atuartut angerlarsimaffianni, inuusuttut klubbiani aammalu meeqqat inuusuttullu ornittagaanni.
2. **Innersuussinerit:** September 2023 sagsbehandlerit ataatsimeeqatigineqarput, innersuussinissamut kaammattorneqarlutik. Taassuma kingorna oktober 2023-imi meeqqat

MKA-nut innersuunneqartut MKA-nit nalilersorneqarput, taassuma kingorna angajoqqaat sagsbehandlerillu ilisimatinneqarput, kikkut sullinneqalernerannik.

3. **Piareersaataasumik ataatsimiinnerit:** Angajoqqaat/paarsisut sagsbehandlerillu peqatigalugit MKA-nit psykologinit Katsi-Kleist Eriksen-imit aamma Mia Olsvig Møller-imit ingerlanneqarput ukioq 2023 naalersoq.

4. **Qulaajaaneq** ingerlanneqarpoq januar aamma februar 2024, tassani meeqqat, angajoqqaat/paarsisut qulaajaavigneqarput.

Qulaajaanerp siunertaraa paasissallugu, meeqqap sakkortuumik nalaataqarsimanermi kingorna ulluinnarni pisinnaasamigut inooqataanermigullu qanoq sunnerteqqatiginersoq. Qulaajaanermi paasisat tunngavigalugit, meeqqamut katsorsaaneq, tapersersuineq siunnersuinerlu tulluussarneqartarpoq. Qulaajaanermi aamma ersarissisarpoq MKA-nit ikiorsiissutit saniatigut ilaqutariit allatut aamma ikorfartugassaanersut.

5. **Katsorsaaneq** qaammammut ataasiarluni naapinnermi pisarpoq, katsorsaanerullu saniatigut meeqqap angajoqqaalluunniit/paarsisulluunniit pisariaqartitsinera aallaavigalugu tapersersuilluni oqaloqatigiinnerit nittartagaq/oqarasuaat atorlugu ingerlanneqartarput. Meeqqanik katsorsaanerup saniatigut angajoqqaat/persorsaasut aamma oqaloqatigineqartarput.

Oqaloqatigiinneq meeqqamut tunngassuteqartarpoq, piginnaasanik inerisaaneruserpoq, persoraanikkut siunnersuinerit aamma aqutissiuussinerit.

6. **Piginnaasanik Ineriartortitsinerit** supervision atorlugu aammalu piginnaasanik ineriartortitsinikkut ingerlanneqarnikuupput.

7. **Naggasiilluni** ataatsimeeqatigiinneq angajoqqaat sullissisullu peqatigalugi marts 2025 ingerlanneqarput. Ataatsimiinnermi annermik meeqqamut tunngatillugu innersuussutit saqqummiunneqarput. Suliamik naammassinninnermi nalunaarusiat sagsbehandlerinut nassiussuunneqarnikuupput, tassanilu aamma innersuussutit allattorneqarnikuupput.

8. **Malitseqartitsineq** maj-september 2025-imi ingerlanneqarnissaat pilersaarutaavoq. Malitseqartitsinermi siunertaassaaq meeqqat pillugit innersuussutit aallartisarneqarsimanersut.

Meeqqat inuusuttullu katsorsartinneri

Innersuunneqartut amerlassusaat	Qulaajaanert amerlassusaat	Meeqqanik oqaloqatiginninnerit ingerlanneqartut amerlassusaat
Innersuussinerit 28-t	Qulaajaanert 16-it	Meeqqanik oqaloqatiginninnerit naammassineqartut 12-it

Katsorsagassatut meeqqat 8-17-nik ukiullit innersuunneqarput. Innersuunneqartuni 28-ni, meeqqat sisamat pingaarnertut suliassatta avataaniimmata (kinguaassiuutitigut killissamik qaangiivigineqarsimanngimmata), allatut sullinneqarnissaannut innersuunneqarput. Innersuunneqartuni sisamat sullinniakkatut siunertaasut avataaniimmata sullinneqanngillat, marluk Maniitsumiik aallarmata, atuarnerminnillu unitsitsimmata efterskole-miittut aamma qulaajaareernerup kingorna unitsinneqarput. Taamaasilluni naammassillutik katsorsarneqartut meeqqat 12-upput.

Katsorsaanermik ingerlatsinerup saniatigut, Meeqqat pillugit angalasartut sulisunut ilinniartitsinermik, piginnaanngorsaanermik pikkorissaanermillu ingerlataqarput.

Tamatuma saniatigut Meeqqat pillugit angalasartut katsorsaanerup sanitigut piginnaasanik inerisaapput makkunatigut:

Piginnaasanik ineriartortitsinerit marluusut, Hotel Maniitsumi ingerlanneqarput.

Ulloq 23. november 2023, nal. 09.00-15.00, Sulisut isumassuinikkut qasusarnerat pillugu piginnaasanik ineriartortitsineq ingerlanneqarpoq. Tassani peqataasut 23-upput, meeqqerivinniit, ulloq unnuarlu angerlarsimaffinniit, ilaqutariinnut inerisaavimmiit, klubbimiit, mini kollegiamiit, efterskoolimiit inunnik sullissiveqarfimmiillu peqataasoqarpoq.

Ulloq 02. februar 2024, nal. 09.00-15.00, Attaveqariaatsit assigiinngitsut pillugu piginnaasanik ineriartortitsineq ingerlanneqarpoq. Peqataasut 30-upput, meeqqerivinniit, ulloq unnuarlu angerlarsimaffinniit, ilaqutariinnut inerisaavimmiit, klubbimiit, mini kollegiamiit, efterskolemiit inunnik sullissiveqarfimmiillu peqataasoqarpoq.

Piginnaasanik ineriartortitsinerit amerlanerusut pilersaarutaasimagaluarput, kinguaattoortarnerit piffissaasuasarnerillu peqqutaallutik piviusunngunngillat.

Atuilluartuunissakkut kingunerisinnaasai

Siunissamut ungasinnerusumut isigaluni atuilluartuuneruvoq angalallutik katsorsaasut tikisinneqartarnissaat, tassami isumaginnittoqarfimmi sulisut suliarisinnaasaat killeqarsinnaammata ilinniakkatigut tunuliaqutat peqqutaallutik. Meeqqat inuusuttuaqqallu taama sakkortutigisumik nalaataqarsimasut pilertortumik katsorsarneqarnissaat pingaaruteqarmat siunissami imminut isumassorsinnaaneq kiisalu pilersorsinnaalernissaat anguneqassappat.

Aningaasaqarnikkut allaffissornikkullu kingunerisinnaasai

Siunissami qaninnerusumi allaffissornikkut aningaasaqarnikkullu kingunerisinnaasaanik takussutissaqarpallaarnissaa naatsersuutiginanngilaq, taamaakkaluartorli siunissamut ungasinnerusumut isigaluni aningaasaliineq kinguneqarluartuunissaa ilimanaateqarluarsinnaavoq.

Allaffeqarfiup naliliinera

Allatseqarfiup nalilerpaa meeqqanik taama sakkortutigisumik nalaatarsimasunut pitsaalluinnartoq taamatut angalallutik katsorsaasunik tikillutik naapinneqartarnerat piffissamilu sivikitsuinnarmi ingerlanani ukiumut siaarlugu pilersaaruteqartunik ingerlanneqartanera assut iluarisimaarnarpoq, taamaalilluni suna tamarmi sukkasuumik ingerlanani meeqqap nammineerluni sukkassusaa malinneqarluni katsorsaaneq ingerlanneqarmat.

Innersuussut

Suliaq Atugarissaarnermut ataatsimiitsitaliamut paasissutissatut saqqummiunneqarpoq.

Suleqatigiit tamarmik akornanni suleqatigiinnerup nukittorsarnissaanut suliniuteqarnissaa kiisalu meeqqat inuusuttullu kinguaassiutitigut qaangiivigisarnerisa atornerlunneqartarnerisalu taamaatinneqarnissaannut kiisalu timikkut tarnikkullu persuttagaasarnerup taamaatinneqarnissaanut innersuussuteqarnissaanut allaffeqarfiup piumasaqarfigineqassaaq.

Aalajangiineq

Tusaatissatut tiguneqarpoq.

Ilanngussaq

1. Ukiumut nalunaarusiaq, Maniitsoq 2023 - 2024

Imm. 6.2 Qeqqata Kommuniani Ilaqutariinnut kiffartuussiviit ukiumut 2024-mut nalnaarusiaat

Journalnr. 42.00

Tunuliaqutaq

Qeqqata Kommuniani Ilaqutariinnut kiffartuussiviit ukiumut nalnaarusiaat, Meeqqanut Ilaqutariinnullu Sullissiviit, Ilaqutariit Illui aamma Qimarnguiit pillugit Namminersorlutik Oqartussat nalunaarutaat malillugu saqqummiunneqartartussaammata, Atugarissaarnermut Ataatsimiititaliamut saqqummiussassanngorlugit suliarineqarput.

Maleruagassatigut tunngavissat

Meeqqanut Ilaqutariinnullu Sullissiviit, Ilaqutariit Illui aamma Qimarnguiit pillugit Namminersorlutik Oqartussat nalunaarutaat nr. 7, 26 Januaari 2024-meersoq.

Ilaqutariit kiffartuussivianni Namminersorlutik Oqartussat nalunaarutaanni suliassa qarfiit minnerpaamik naammassisassat makkuupput:

§ 1. malillugu Meeqqanut Ilaqutariinnullu Sullissiviit kiisalu Ilaqutariit Illui meeqqanut, inuusuttunut ilaqutariinnullu, tassunga ilanngullugit ilaqutariinngulersut, meeqqat inuusuttullu inuttut atugarliortut imaluunniit immikkut ittunik pisariaqartitaqartut immikkut qitiutillugit suliassarfiit assigiinngitsut akornatigut siunnersuisassapput, ilitsersuillutillu katsorsaasassapput.

§ 5. malillugu Meeqqanut Ilaqutariinnullu Sullissiviit minnerpaamik tullinnguuttunik neqerooruteqassapput:

1) Ilaqutariinni siunersioqatigiinnerit imaluunniit assigisaanik suliniuteqarnerit, tassani meeqqat inuusuttullu 18-it inorlugit ukiullit taakkualu ilaqutaat attaveqarfigisartagaallu meeqqap pisariaqartitaanut ilungersornartitaanullu ilanngutitinneqassapput, meeqqap atugarissaarnerata ineriartorneratalu tapersersorneqarnissaa siunertaralugu inuit ilanngutitinneqartut ataatsimoorlutik pisussaaffiliisumik anguniagassaminnik pilersitsissapput.

2) Aqqutissiuinertalimmik ilaqutariinnik katsorsaaneq.

3) Naartusunut atugarliortunut angajoqqaanullu marluk inorlugit ukiulinnik qitornalinnut siusissukkut iliuuseqarneq.

4) Oqaloqatiginnittarnikkut katsorsaaneq.

5) Siumoortumik piffissamik inniminneeqqaarani innersuussinermilluunniit piumasaqaatitaqanngitsumik oqaloqatiginninnikkut ammasumik siunnersuineq.

6) Ajornartoornermi ikiuigasuarneq. (kriseberedskab)

Ilaqutariit kiffartuussiviannut suliakkiinerit allaffissuarmi sullissisut ilaqutariinnut innersuussineranniit aallaaveqartarpoq. Ammasumik siunnersuinerilli kikkunnit tamanit kinaassuseq taanngikkaluarlugu oqaloqateqarsinnaanermik sap. Ak ataasiarluni pisartumik neqeroorutaalluni.

Ikiugasuarnermi aallartitsineq pisarpoq politiit, napparsimavik, qatserisartut aammalu peqatigiiffiit nalunaaruteqarnerisigut.

Pissutsit atuuttut

Ukioq 2024 Qeqqata Kommuniiani ilaqutariinnut kiffartuussiviit assigiinngitsunik suliaqarput. Innuttaasunik, ilaqutariinnik oqaloqateqartarnerit, ammasumik siunnersuinerit, meeqqanik eqimattanik sullissinerit kiisalu pinasuartunik sakkortuunillu pisoqartillugu tarnikkut ikiueqqaarnerit ingerlattarlugit.

Ukioq 2024-imi sullinneqarsimasut amerlassusaat.

Eqitsit 1. Inoqutigiit sullitat

Ilaqutariinnut kiffartuussivik/Sullissivik	Inoqutigiit sullinneqartut	Suliat ingerlasut
Sisimiut	65	65
Maniitsoq	37	24

Eqitsit siullermi Ilaqutariit kiffartuussivianni Sisimiuni ukioq 2024 ilaqutariit inoqutigiittut (illoqatigiit) 65-it sullinneqarsimapput taamatullu assigalugu Maniitsumi 37-it sullinneqarsimallutik taakkunannga 13-it naammassineqarsimallutik.

Eqitsit 2. Angerlasimaffiup avataanut inissinneqarsimasut pillugit sullitat

Ilaqutariinnut kiffartuussivik/Sullissivik	Inoqutigiit sullinneqartut	Suliat ingerlasut
Sisimiut	5	0
Maniitsoq	0	0

Eqitsisip aappaanni takuneqarsinnaapput Ilaqutariit kiffartuussiviini angerlartitsiniaanermi suliat aallartinneqarsimasut.

Sisimiuni tallimat aallartissimapput Maniitsumi aallartittoqarsimanani, tassani peqqutaalluni allaffeqarfimmiit innersuussisoqarsimannginnera.

Eqitsit 3. Ammassumik siunnersuinerit

Ilaqutariinnut kiffartuussivik/Sullissivik	Inoqutigiit sullinneqartut
Sisimiut	105
Maniitsoq	133

Eqitsisit pingajuanni takuneqarsinnaavoq ukioq 2024-mi ammasumik siunnersuinerit takkussimasut.

Ammasumik siunnersuineq kikkunnilluunniit innersuunneqanngikkaluarlutik kinaassutsitik aamma taanngikkaluarlugit periarfissarivaat ornigullutik oqaloqateqarnissartik tassani pingasoriarlutik qulequtaq ataaseq oqaloqatiginnittarnissaminnut periarfissaralugu.

Ammasumik siunnersuinerit Sisimiuni ataasinngornerit tamaasa nal. 10:00-miit 15:00-ip tungaanut ingerlasarput, ukiumilu qaangiuttumi 105-it oqaloqatiginnikkiartorsimapput.

Sisimiuni ammasumik siunnersuinnermut takkuttartut ilaatigut aappariinnermi ajornartorsiutit, perorsaanikkut siunnersorneqarusunnerit, ineqarnikkut aammalu ilaatigut aningaasanut tunngasunik saaffiginnittarlutik.

Maniitsumi ammasumik siunnersuinnerit sisamanngornikkut nal. 10:00-imiit 15:00 tungaanut ingerlasarput, ukiumilu qaangiuttumi inuit 133-it ammasumik siunnersuinnermut takkussimallutik. Ammasumik siunnersuinnermi Maniitsumi takkuttartut eqqartukkajuttarpaat perorsaanermi ikorfartorneqarusuttut, aappariinnermi ajornartorsiuteqartut, ilaqutariittut aaqqiagiinnngissuteqarneq, angajoqqaat kisimiittut oqaasinnguerusuttarnerat.

Ilaqutariit annaasaqarsimallutik oqaasinnguerusuttut aammlu allaffeqarfimmiit innersuunneqarnissaminut utaqqisut ammasumik siunnersuinnermut aamma takkuttarput.

Eqitsit 4. Ikueqqaarneq

Ilaqutariinnut kiffartuussivik/Sullissivik	Inoqutigiit sullinneqartut
Sisimiut	45
Maniitsoq	14

Eqitsisit sisamaanni takuneqarsinnaapput ajutoornermi pinasuartumik tarnikkut ikiuigasuarnermi aallartitsinerit.

Sisimiuni ukioq 2024 45-riarluni krisehjælp aggersarneqarsimavoq Maniitsumilu 14-eriarluni aggersaasoqarsimalluni.

Tarnikkut ikiueqqaarneq suliakkiissutitaqartarpoq, tassanngaannaq toqusoqarnerani meerartalinni, imminut toquttoqarnerani, ajutoornerni tassanngaannartuni imaluunniit toqutsisoqarnerani. Ikiuigasuarmissamut piumasaqarsinnaapput politiit, napparsimaveqarfiit qatserisartut aammalu peqatigiiffiit.

Tarnikkut ikiuigasuartut Qeqqata Kommuniani atorfeqartuupput neqeroorfigineqartarlutillu pikkorissarnissamut.

Ilaqutariit kiffartuussiviinili piumasaqaataavoq suliassaqaarfissatut.

Eqitsit 5. Anaanaq meerarlu - angerlarsimaffik

Ilaqutariinnut kiffartuussivik/Sullissivik	Inoqutigiit sullinneqartut	Suliat ingerlasut
Sisimiut	3	3
Maniitsoq	7	7

Eqitsisit tallimaanni takuneqarsinnaavoq ilaqutariit kiffartuussiviini neqeroorutit ilaat “anaanaq meerarlu”-mi sullinneqarsimasut.

“anaanaq meerarlu” angerlarsimaffiuvoq angajoqqaanngorlaanut kommunip attartugaani najugaqariluni piginnaanngorsarfik.

Tassani perorsaanermut aammalu ulluinnaat meeraqarluni qanoq ingerlassinnaaneritut siunnersorneqarneq ingerlasarluni.

Sisimiuni najugaqartut 2024-mi ilaqutariit pingasuusimapput, Maniitsumilu ilaqutariit arfineq marluullutik.

Eqitsit 6. Siusissikkut iliuuseqarneq

Ilaqutariinnut kiffartuussivik/Sullissivik	Inoqutigiit sullinneqartut	Suliat ingerlasut
Sisimiut	16	16
Maniitsoq	0	0

Eqitsisit arfernganni siusissukkut iliuuseqarnermi sullitat takuneqarsinnaapput. Siusissukkut iliuuseqarneq Sisimiuni eqimattaavoq napparsimavimmiit, allaffeqarfimmiit allorfimmiit ilaqutariit kiffartuussiviiniillu inuttaqartinneqartoq tassani sullitat 16-it ilaqutariit kiffartuussivianni angajoqqaanngornissamut, inoorlaajuteqarlunilu piginnaanngorsarnermut siunnersuinerit ingerlattarlutik.

Maniitsumi siusissukkut iliuuseqartuni inummik aalajangersimasumik sullissisoqanngilaq, taamaattorli ataatsimiinnermut peqataasoqartarpoq ilaqutariinnut inerisaavimmiit hjemmehosserimik.

Siusissukkkut iliuuseqarnermi sulianik ingerlasoqannginneranut tunngaviuvoq inatsimmi pisussaaffiunani pisinnatitaaffiummat taamaattumik neqeroorut itigartinneqarsinnaalluni Maniitsumi innersuussisoqarsimanani neqeroorfigineqartut itigartitsisarmata ilaqutariinnut inerisaavimmit sullinneqarnissaminnut.

Taamaakkaluartoq Ilaqutariinnut inerisaavimmiit Allaffeqarfimmiit innersuussanik utaqqinngikkaluarlutik namminneerlutik anaananngorlaanut eqimattanik naapisitsisarpoq sapaatip akunneranut ataasarlutik.

Maniitsumi sullissineq assigiissaarineq pillugu aaqqissuuteqqinniarneqarpoq Sisimiunituulli siusissukkut iliuuseqarnermi sullissisussanik peqalerniassammat.

Siusissukkut iliuuseqarneq ilaatigut angerlarsimaffiup avataanut inissiinnissaraluanut pinaveersaartitseqataavoq.

Eqitsit 7. Ikorfartoqatigiit

Ilaqutariinnut kiffartuussivik/ Sullissivik	Inoqutigiit sullinneqartut	Suliat ingerlasut
Sisimiut	5	5
Maniitsoq	4	4

Eqitsisit arfineq aappaanni takuneqarsinnaapput eqimattatut ikorfartoqatigiit ingerlanneqartarneri. Sisimiuni ingerlasut immikkoortut tallimaapput tassani ilaatigut AA, meeqqat eqimattat miljø arbejderimik peqateqartartut. Il.il. Maniitsumi eqimattat immikkoortut ingerlanneqartut sisamaapput.

Eqimattat ilaat unnukkut ilaqutariit kiffartuussiviisa illutai atorlugit ingerlanneqartarput ilaqutariit kiffartuussivianni ulluunerani sulisuunngikkaluit ilaatigut ingerlatsisuussarlutik.

Eqitsit 8. Meeqqanik asiartitsineq

Ilaqatariinnut kiffartuussivik/Sullissivik	Inoqutigiit sullinneqartut	Suliat ingerlasut
Sisimiut	8	8
Maniitsoq	11	11

Eqitsisit arfineq pingajuanni takuneqarsinnaapput ilaqutariit kiffartuussivianni meeqqanik eqimattanik angallassinerit kisitsitai.

Meeqqanik angallassinerit ilaatigut asimut ingerlanneqartarput meeqqat sammisaqartinneqartarlutik ilaatigut inuttut ineriartormik sammisaqartarlutik.

Aammali meeqqat eqimattat pinialunnermik pilinernillu ilitersorneqartarput.

Sisimiuni 8-nik angallassisoqarsimavoq Maniitsumilu 11-nik.

Meeqqanik angallassinerit isumaginninnermut aqutsisoqarfiup qinnuteqarfianut “Tapi”-mut aningaasanik qinnuteqarnikkut ingerlanneqartarput.

Eqitsit. 9 Aaqqissuussinerit allat

Ilaqatariinnut kiffartuussivik/ Sullissivik	Inoqutigiit sullinneqartut	Suliat ingerlasut
Sisimiut	187	187
Maniitsoq	59	59

Eqitsisit qulingiluaanni takuneqarsinnaavoq Namminersornerullutik oqartussat nalunaarutaanni suliaaqqarfiit avataatigut ilaqutariit kiffartuussiviisa nammineeqlutik aaqqissuussaannut imaluunniit allat aaqqissuussaannut ikiuulluni peqataasarnerni kisitsisit.

Ilaatigut meeqqanut ullorsioertisnermi takkuttut meeqqat, juullerpalaatigiinnermi takkuttut aammalu pisoqartitsineri soorlu uge 18-mi aaqqissuussani peqataasut Maniitsumilu “mødregroupe” ernerlaanut eqimattat ingerlanneqarlutik.

Atuilluartaunissakkut kingunerisinnaasai

Ilaqutariit kiffartuussiviini suliat ingerlanneqartut atuilluartaunikkut kingunerissavaa ilaqutariit Qeqqata Kommuniani siunnersorneqarnikkut ilaqutariittullu aqutissiorneqarnikkut periarfissinneqarnerata siunissami angerlarsimaffiupa avataanut inissiinerit ikinnerulersinnissaat.

Allaffeqarfiup naliliinera

Ilaquatriit kiffartuussiviit pitsaasumik sullissinissaat Atugarissaarnermut Immikkoortortaqqarfimmit ukkatarineqarpoq, ilaqutariit ataatsimuuinnarnissaat annertuumik suliaqarfiuvoq meeqqanik angerlarsimaffiup avataanut inissiinnnginnissaq piniarlugu.

Innersuussut

Atugarissaarnermut immikkoortortaqarfik Atugarissaarnermut ataatsimiititaliamut innersuussutigineqarpoq;

1. Ukioq 2024-mut nalunaarusiaq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

Soqanngilaq.

08. Tamalaat

Imm. 8.1 Tamalaat

Soqanngilaq.